

## Liatroim

Anna Freely-Gleann Éada

'Rinne mé smaoineamh in m'intinn'-Amhráin

Rinne mé smaoineamh in m'intinn  
Agus lean mé dhó go cinnte  
Go n-éalóinn ó mo mhuintir  
Is go ngabhfainn chun Oileán Úir  
Sé a bhfuil mé a iarraidh d'impí  
Ar an Ard-Rí tá os mo chionn-sa  
Mo shábháil ar gach dainséar  
Go gcríochnaí mé mo shaol.

Shiúl mé fiche míle  
Is ní fhacas teach ná daoine,  
Capall, bó ná caora  
A dhéanfadh innilt ar an bhféar  
Ach coillte dlúite agus gleannta  
Agus búireach beithígh allta,  
Na fir is na mná gan tointe orthu  
A chasfainn faoi mo mhéar

Chuaigh mé isteach i dteach ann  
Agus bé sin teach na Críostaí  
D'fhiafraigh fear an tí dhíom  
Cár bh as é, an buachaill óg.  
D'aithris mé dhó i mBéarla  
Gur tógadh mise in Éire,  
Thart fá bhruach an tsléibhe,  
Agus mé ar bheagán bróin

Bhí sean-bhean in san gclúid ann  
Agus í ag sníomh a tuirne  
D'éirigh sí go luathmhar  
Agus croith sí liomsa lámh  
'Céad fáilte roimh fhear do thíre  
Seach a bhfacas beo de na daoine,  
Ó is gur tógadh mise in Éire,  
I dtosach ó mo shaol'

Ó Bhríosaigh go Gleann Éada  
Is go barr na Craoibhe Leithne  
Go Dartraidh chroí na féile  
Is go Sléibhte Bheann na Bó  
Nuair a dhearc mé ar gach taobh dhíom  
Agus bhreathnaigh mé na daoine  
Is trua gan mise in Éire  
Agus mé cóirithe os cionn chláir  
An áit a bhfaighinn mná mo chaointe  
Aos óg a bheadh léaghach siamsúil  
A dhéanfadh greann agus siamsa dhíom  
Go n-eirí arís an lá